

Broj: 01-11-11-01740-5/2023
Sarajevo, 3.5.2023. godine

Na osnovu člana 69. st. (1) tačka b) i stav (2) tačka e) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), nakon razmatranja preporuke Komisije za javne nabavke broj 01-11-11-01740-4/2023 od 3.5.2023. godine, Direktor Federalne uprave za inspeksijske poslove, d o n o s i

O D L U K U

o poništenju postupka direktnog sporazuma za nabavku roba-autogume za službena vozila

I

Poništava se odluka o dodjeli ugovora za nabavku roba – autogume za službena vozila Federalne uprave za inspeksijske poslove broj 01-11-11-01740-2/2023 od 14.4.2023. godine.

II

Poništava se postupak direktnog sporazuma za nabavku roba-autogume za službena vozila iz razloga što je cijena jedine prihvatljive ponude znatno veća od obezbjeđenih sredstava za predmetnu nabavku.

III

Zadužuje se Sektor za tehničku podršku i plansko-analitičke poslove da izvrši korekciju specifikacije autoguma koje su predmet nabavke na način da istu uskladi sa vrijednosti sredstava osiguranih za predmetnu nabavku, nakon čega će Komisija za javne nabavke provesti ponovni postupak nabavke.

IV

Ova odluka stupa na snagu danom donošenja.

O b r a z l o ž e n j e

Planom nabavki Federalne uprave za inspeksijske poslove za 2023. godinu– robe, redni broj 4 planirana je nabavka roba–autogume za službena vozila pranje službenih vozila, JRJN 34351100-3.

Komisija za javne nabavke je provela postupak direktnog sporazuma na način da je zahtjev za ponudu dostavila ponuđačima „Unitrade“ d.o.o. Ljubuški i „Sava trgovina“ Sarajevo, nakon čega je samo ponuđač „Unitrade“ d.o.o. Ljubuški odgovorio sa svojom ponudom. Ponuda je na preporuku Komisije prihvaćena, te je odlukom broj 01-11-11-01740-2/2023 od 14.4.2023. godine ugovor dodijeljen navedenom ponuđaču. Nakon toga je sačinjen ugovor koji je dostavljen na potpis istom ponuđaču. Međutim, prije potpisivanja ugovora, ponuđač „Unitrade“

d.o.o. Ljubuški je putem mail-a dostavio obavijest da je prilikom izrade ponude došlo do tehničke greške koja se ogleda u tome da jedna stavka nije obuhvaćena ukupnom cijenom ponude, te da bi ukupna cijena trebala biti veća za 1.054,00 KM.

Kako pomenuta greška nije uočena od strane ugovornog organa prilikom evaluacije ponude, niti prilikom donošenja odluke o dodjeli ugovora, a imajući u vidu činjenicu da cijena ponude u koju bi se uračunao iznos od 1.054,00 KM značajno prelazi iznos sredstava osiguranih za predmetnu nabavku, shodno odredbi člana 69. stav (2) tačka e) Zakona o javnim nabavkama BiH, prihvaćena je preporuka Komisija za javne nabavke broj 01-11-11-01740-4/2023 od 3.5.2023. godine i donesena odluka kao u dispozitivu.

Ova odluka će se u skladu sa odredbom člana 70. stav (6) Zakona o javnim nabavkama objaviti na web stranici Uprave.

Pouka o pravnom lijeku: U skladu sa članom 101. stav (6) Zakona o javnim nabavkama, protiv ove odluke žalba nije dopuštena.



Dostaviti:

- 05-05-2023
1. „Unitrade“ d.o.o. Ljubuški, Ulica hrvatskih krajeva broj 23, 88320 Ljubuški
 2. Sektor za materijalno-finansijske i tehničke poslove
 3. Sektor za tehničku podršku i plansko-analitičke poslove
 4. Komsija za javne nabavke (a/a).
- 05-05-2023
05-05-2023